



Broj: 15/2-_____/15
Tuzla, 17.06.2015. godine

Na osnovu člana 21. Zakona o namještenicima u organima državne službe u Federaciji Bosne i Hercegovine („Službene novine Federacije BiH“ broj: 49/05) Ministar za boračka pitanja Tuzlanskog kantona objavljuje

INTERNI OGLAS
za popunu upražnjenog radnog mjesta namještenika u Ministarstvu za
boračka pitanja Tuzlanskog kantona

Naziv radnog mjesta:

Viši referent -Vozač motornog vozila - obezbjeđenje u Ministarstvu za boračka pitanja Tuzlanskog kantona - Odjeljenje za ekonomsko finansijske i opšte poslove - 1 (jedan) izvršilac, na neodređeno vrijeme.

Opis poslova:

- preuzima i zadužuje vozilo sa opremom za potrebe Ministarstva,
- brine se o tehničkoj ispravnosti i higijeni vozila, o servisiranju i održavanju vozila u skladu sa njegovim tehničkim upustvom i prati potrebu za redovnom registracijom vozila,
- uredno pribavlja putne naloge i vodi evidenciju o utrošku goriva i maziva i pređenoj kilometraži,
- dostavlja materijale, pozive i druge akte adresantima, i preuzima poštu i obavlja druge kurirske poslove, po potrebi za Ministarstvo,
- prati i vodi evidenciju o prijemu stranaka u Ministarstvo i usmjerava stranke, u zavisnosti od vrste zahtjeva, državnim službenicima Ministarstva,
- sprečava ulazak u Ministarstvo stranaka pod dejstvom alkohola ili drugih narkotičkih sredstava, prati da se ne narušava javni red i mir i u okviru svojih ovlašćenja poduzima potrebne mjere za otklanjanje istih, udaljenjem iz zgrade lica koja remete red i mir i poziva nadležne organe u slučaju da nije u mogućnosti sam održati red i mir,
- prati i evidentira prijem paketa i drugih većih predmeta u Ministarstvo, vodeći pri tome računa o bezbjednosti službenika i namještenika u Ministarstvu,
- obilazi prostorije Ministarstva radi sprečavanja nasilništva, kršenja propisa i drugih nepravilnosti,
- vodi evidenciju o odsutnosti državnih službenika i namještenika, u toku radnog vremena iz Ministarstva,
- sačinjava mjesečne izvještaje koje dostavlja pomoćniku ministra,
- po potrebi obavlja poslove vozača Ministarstva,
- obavlja i druge poslove po nalogu ministra i
- za svoj rad odgovara pomoćniku ministra.

Uslovi:

Pored općih uslova predviđenih u članu 24. Zakona o namještenicima u organima državne službe u Federaciji Bosne i Hercegovine (državljanstvo Bosne i Hercegovine,

punoljetstvo, opća zdravstvena sposobnost za obavljanje poslova radnog mjesta, vrsta i stepen školske spreme potrebne za obavljanje poslova radnog mjesta, da u posljednje dvije godine od dana objavljivanja oglasa osoba nije otpuštena iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini i da nije obuhvaćena odredbom člana IX 1. Ustava Bosne i Hercegovine), kandidati trebaju ispunjavati i slijedeće posebne uslove, propisane Pravilnikom o unutrašnjoj organizaciji:

- IV stepen srednje stručne spreme: saobraćajno-tehnička / elektrotehnička / mašinsko - tehnička škola ili KV vozač,
- položen vozački ispit "B" kategorije i
- najmanje 10 mjeseci radnog staža.

Potrebni dokumenti (originali ili ovjerene kopije):

- 1) prijava sa kratkom biografijom,
- 2) svjedočanstvo o završenoj srednjoj stručnoj spreml,
- 3) dokaz o položenom ispitu za vozača B kategorije,
- 4) uvjerenje o državljanstvu (ne starije od 6 mjeseci) ili ovjerena ftc. CIPS-ove lične karte,
- 5) potvrda o radnom stažu u struci nakon sticanja srednje stručne spreml,
- 6) dokaz (uvjerenje ili potvrda) da je kandidat u radnom odnosu na poslovima namještenika,
- 7) uvjerenje organa državne službe u kojem je namještenik uposlen da u posljednje dvije godine od dana objavljivanja internog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini,
- 8) ovjerena izjava kandidata da nije obuhvaćen odredbom člana IX 1. Ustava Bosne i Hercegovine i
- 9) uvjerenje da se protiv kandidata ne vodi krivični postupak (ne starije od tri mjeseca),

Izabrani kandidat je dužan dostaviti ljekarsko uvjerenje o zdravstvenoj sposobnosti prije stupanja na rad.

Procedura Internog oglasa:

Komisija za provođenje internog oglasa, nakon što utvrdi da kandidati ispunjavaju opće i posebne uslove Internog oglasa, obaviti će usmeni intervju i testiranje iz vožnje sa kandidatima.

O mjestu i terminu intervjuja i testiranja kandidati će biti pismeno obavješteni.

Prilikom odlučivanja o prijemu namještenika u radni odnos obavezno će se voditi računa da se prijemom osigura zastupljenost naroda i građana Bosne i Hercegovine, shodno članu 20. Zakona o namještenicima („Službene novine Federacije BiH“, broj: 49/05) kao i prednost u zapošljavanju branilaca i članova njihovih porodica, shodno odredbama člana 16. Zakona o dopunskim pravima branitelja i članova njihovih obitelji, („Službene novine Tuzlanskog kantona“, broj: 5/12 -prečišćeni tekst i 5/14) i člana 5. Pravilnika o jedinstvenim kriterijima i pravilima za zapošljavanje branilaca i članova njihovih porodica u institucijama Tuzlanskog kantona („Službene novine Tuzlanskog kantona“, broj: 09/14 i 6/15).

Rok trajanja internog oglasa i adresa za podnošenje prijava:

Interni oglas objavljuje se na oglasnoj tabli **Ministarstvu za boračka pitanja Tuzlanskog kanton**adana 22.06.2015.godine.

Interni oglas ostaje otvoren 10 (deset) dana od dana objavljivanja na oglasnoj tabli

Ministarstva za boračka pitanja Tuzlanskog kantona, odnosno zaključno sa 02.07.2015. godine.

Komisija za sprovođenje Internog oglasa, nakon što utvrdi da kandidati ispunjavaju opće i posebne uslove Internog oglasa, obaviti će intervju sa kandidatima, o čijem će mjestu i terminu održavanja biti pismeno obaviješteni.

Prijave na oglas sa dokazima o ispunjavanju uslova dostaviti u zatvorenoj koverti isključivo putem pošte, na adresu:

***Ministarstvo za boračka pitanja Tuzlanskog kantona
sa naznakom, "Komisija za provođenje internog oglasa za prijem namještenika u
Ministarstvo za boračka pitanja Tuzlanskog kantona- ne otvaraj"***

Nepotpune i neblagovremene prijave neće se uzeti u razmatranje.